



Represchentants da Caritas, Crusch cotschna ed Armada dal salit han orientà a la conferenza da pressa a Berna.

KEYSTONE

# Il stadi – surchargià cun l'agid social

Las ovras caritativas na vulan betg surpigliar tal

■ (anr) Il stadi svizzer è surdumandà cun l'agid social. Quels che dovrà tar las ovras caritativas perquai ch'ils servetschs socials statals n'adempleschan betg pli lur incarica tenor constituziun. Perquai han trais impurtantas ovras caritativas: Caritas, Crusch cotschna e l'Armada dal salit pretendì tar ina conferenza a Berna che questa chausa stoppia vegnir sclerida. Las ovras socialas numnadas na possian betg ademplir lur pensum, stuend s'engaschar anc per l'agid social.

L'agid social statal ha memia pauc personal e trametta perquai quels che basegnan tal sustegn tar las ovras caritativas. Quellas possian – tenor il stadi – sa gidar

finzialmain pli spert. Ch'ins fetschia ir sistematicain quels che dumondan agid dal stadi tar las ovras caritativas na dettia i betg.

Mo savens saja igl er il cas che l'agid retschavì dal stadi na tanschia betg per pajar in'abitaziun. A las ovras d'agid vegn appellà dad insister che l'agid social vegnia dà tenor dretg. Mo quai dovria temp. Las pretensiuns socialas sajan sa midadas ils davos onns. Sulet ils ristgs classic – sco vegliadetgna, invaliditad, dischoccupaziun e malsogna – sajan segirads.

Novs ristgs dettia igl er en connex cun persunas ch'educheschan persulas, tar working poor (tals che han bain plazza,

mo cun ina paja sut la limita da paupradad) e quels ch'èn exclus da l'agid social (ausgesteuert). Tals sajan savens da chattar tranter quels che dumondan agid. Onn per onn vegnan 40 000 exclus da l'agid social. Er ils chantuns reduce schian oz pli e pli prestaziuns socialas e da far pli bunmartgadas las premias.

En la Constituziun federala è il dretg dal carstgaun en misergia sin sustegn per ina vita digna francà. Ma il stadi na possia betg surpigliar quai. Fertion che lez dettia or 170 milliardas sco contribuziuns a las segiradas socialas flessegian be 2,5 milliardas en l'agid social. Las ovras caritativas na possian betg surpigliar las expensas per ils servetschs socials.